

## شبهة ٤ | مناقشة قتل المرتد | فاضل سليمان

فاضل سليمان

السلام عليكم ورحمة الله وبركاته طيب احنا معنا النهاردة شبهة من اكتر الشبهات اللي اثارت جدل في الفترة الماضية جا لي مرة خمس شباب يا مصريين وقعدوا معي وسألوني قالوا لي احنا عندها سؤال واحد بس - 00:00:00  
بالنسبة لقتل المرتد هل لازم المرتد يقتل؟ هل في الاسلام المرتد يقتل بعد ما اجتبهم لقيتهم بيصوا لبعض وبيضحكوا انت بتضحكوا على ايه ولا حاجة احنا استريحنا من الاجابة بتاعتك لأن احنا بصراحة واحنا جايين - 00:00:39  
اتفقنا مع بعض كلنا لو كانت الاجابة هي ان في الاسلام المرتد لازم يقتل احنا كنا هنرتد هذه الدرجة الناس واحدة الموضوع وكأنه تحدي آآ من سمعناشر سنة في امريكا - 00:00:58

وقف مجموعة من الشباب المتشدد شوية وانا بتتكلم آآ في الجامعة الامريكية وقالوا لي انت آآ فعلا بتدي محاضرات عن الاسلام في الجامعات والكنائس قالوا لي طيب هل ممكن يحصل ان حد يجي بعد المحاضرة يطلب منك انه يدخل الاسلام فتلقنه الشهادة - 00:01:18

روعة ممكن تحصل قالوا طيب انت مش هتتقى الله بقى ربنا يرزقنا التقوى ايه ايه اللي عملته غلط قال لك انت ما بتقول لهمش واحنا سمعناك بتدي المحاضرات دي قبل كده. بتكلمهم عن اقسام الایمان الستة اركان الاسلام الخمسة - 00:01:41  
مفهوم النبوة في الاسلام مفهوم الالوهية في الاسلام لكن ما بتكلمهمش ابدا عن حد الردة وانت كده بتخدع الناس لأنك انت بتتدخله الاسلام وبعد ما يدخل تقول له ما ينفعش تطلع تاني. ما بتقولوش انه ما ينفعش يطلع لانه لو جه يخرج من الاسلام بيقطع رقبته - 00:01:58

فكرت لقيت ان الشباب دول عندهم فعلا حق لو احنا مش بنقول للناس قبل ما تدخل الاسلام انها لو جت تخرج من الاسلام هيقططع رقبتها يبقى احنا بنخدعهم فعلا قلت الله طيب ما تيجي نعمل في اللي انا بقدمه على الاسلام بعد ما بتكلم عن اقسام الایمان الستة واركان الاسلام الخمسة ونبذة عن الوضع - 00:02:17

المرأة في الاسلام ونبذة عن معنى الجهاد الحقيقي. نعمل كده سلايد اخيرة عن بحيس ان الناس تبقى عارفة من قبلها طب ما هو انا لو عملت كده ابقى ببتدع ويعلم بدعة جديدة في الدعوة. ليه؟ لأن الرسول عليه الصلاة والسلام - 00:02:40

ما عملش كده الرسول عليه الصلاة والسلام في حديث صحيح اه لما ارسل معاذ بن جبل على الى اليمن قال له انك تأتي قوما اهل كتاب انت هتروح على ناس هتلاقى ناس اهل الكتاب. نصارى ويهود - 00:02:58

فإذا جئتهم أدعهم إلى أن يشهدوا أن لا إله إلا الله أدعوهم إلى التوحيد فإنهم أجابوك لذلك فأخبرهم أن الله افترض عليهم خمس صلوات في اليوم والليلة. يعني لو قالوا أوكى ودخلوا الإسلام أبدأ بقى قل لهم عليكم بقى تصلي - 00:03:18

خمس صلوات في اليوم والليلة هم أجابوك لذلك. فأخبرهم أن الله قد افترض عليهم زكاة تؤخذ من أغنيائهم فترتدى على ورائهم خد منهم قول لهم بقى ان في زكاة لازم تدفعوها. وبترجع للفقراء بتاعة البلد برضو بتاعتكم - 00:03:40

ما قلواش بقى اول قبل ما يسلمو يقول لهم ان في حد راتم لو تركوا الاسلام دي ازا مسألة مهمة جدا والحقيقة عدم فهم آآ حكم الردة الاسلام ادى الى مفاسد كتيرة جدا - 00:04:00

وادي الى اعطاء شكل غير جيد للإسلام. طيب هل هناك من يقول بقتل المرتد؟ طبعاً كتير مين المذاهب الاربعة المذاهب الاربعة طرقت للمرتدية ايه رأيك بقى طيب عندهم ادلة من ضمن الا أدلة اللي عندهم مسلا او من الا دليل الاساسي عندهم - 00:04:25

يا حديث آآ شريف صحيح. قال رسول الله صلى الله عليه وسلم لا يحل دم امرئ مسلم يشهد ان لا اله الا الله وان محمدا رسول واني رسول الله الا باحدى ثلاث - [00:04:48](#)

النفس وبالنفس والثيب الزاني المتزوج المحسن لوزنا والمارق من الدين التارك للجماعة هل هناك اخرين يروا عدم قتل مرتد؟ اية  
فيه مين بقى ؟ ما احنا قلنا المذاهب الاربعة تركت المرتد - [00:05:04](#)

اية مين قال ان المذاهب اربعة اصلا المذاهب كثيرة المذاهب فوق الستين مذهب الاوزاعي له مذهب وكان معروفا انه كان اعلم من الشافعي. وكان في نفس وقت الشافعي لكن المذاهب الاربعة المنتشرة هذه انتشرت لطبيعة - [00:05:28](#)

مؤسسين المدارب في مصر وفي العراق. نشر المذهب. كان يتحدث كثيرا. كان له طلاب كثير نشروا مذهبه. هناك زي مسلا الليث ابن سعد والاوزاعي وغيرهم. اصحاب مذاهب لكن مذاهبي لم تنتشر - [00:05:50](#)

كمان ابو حنيفة هو واحد المذاهب الاربعة التي ترك قتل المرتد يقتل لكن المرتدة المرأة لا تقتل. هننوف بعدين ليه الاحناف المتأخرین استثنوا اربعتاشر نوع من المرتدين الرجال لا يقتلون ايضا - [00:06:12](#)

نشوف بعدين ليه دي مهمه قوي نفهمها البخاري ومسلم رروا حديث صحيح البخاري ومسلم متفق عليه ان اعرابي بايع رسول الله صلى الله عليه وسلم دخل الاسلام وبابع النبي صلى الله عليه وسلم - [00:06:36](#)

فاصابه وعك بالمدينة. يعني جا له مغضص جا له اسهال جا له حاجة في بطنه في المدينة هو الرجل اعرابي اعرابي يعني بدوي من العرب الغير الرحيل الغير مقيمين في مدينة او في مقرية او كده فيبيقوا يعني - [00:06:54](#)

عندهم نسبة جهل عالية او ي قال لك انا اول مرة يجي لي مغضص في حياتي يجي لي بعد ما ادخل الاسلام يبقى الاسلام ده شؤم يبقى بتاع المهم ايه راح رايح على الرسول عليه الصلاة والسلام وقال له - [00:07:12](#)

يا محمد اقمني بيعتني. يعني اعزرنى ان البيعة بتاعتي انا خارج. انا اسيبك واسيب الاسلام الصلاة والسلام ما ما رضيش يقول له خلاص يلا مع السلامة آآ خليك مش مسلم ما ردش عليه - [00:07:27](#)

فخرج الاعرابي مشي وخرج من المدينة خلاص فقال النبي صلى الله عليه وسلم انما هذه المدينة كالكير تنفي خبتها وينتصع طيبها لكن ما بتعتش ورانا يا اسطى تجيشه وتقتله. خلاص ساب - [00:07:43](#)

ازا حصل وقت الرسول عليه الصلاة والسلام ان هناك من ارتد عن الاسلام وترك ولم يقتل ايه كمان عندنا حدasher اية في القرآن الكريم بيذكروا الردة ولا اية منهم بتذكر اي عقوبة في الدنيا - [00:08:04](#)

تتكلم عن العقوبات الشديدة في الآخرة. انا انا لا اقل من شأن الردة كجريمة. الردة جريمة ده مش في الاسلام. ده في جميع الاديان الردة جريمة ولكن ما اقوله ان في الاسلام - [00:08:29](#)

الردة جريمة عقوبتها في الآخرة عند الله عقوبة على الردة الدنيا حدasher اية تتكلم عن الردة لم تذكر اية واحدة منها عقوبة دنيوية وكلها عقوبات اخروية. البقرة متين وسبعتاشر ولا يزالون يقاتلونكم حتى يردوكم عن دينكم ان استطاعوا - [00:08:43](#)  
ومن يرتد منكم عن دينه فيمت وهو كافر فاولنك حبطت اعمالهم في الدنيا والآخرة واولنك اصحاب النار هم فيها خالدون. ما قالش فاولنك مسلا فاقطعوا ايديهما فاجلوهما ثمانين جلد. فاقطعوا ما فيش ما فيش - [00:09:08](#)

في الاخر سورة محمد خمسة وعشرين الى سبعة وعشرين. ان الذين ارتدوا على ادبارهم من بعد ما تبين لهم الهدى الشيطان سول لهم واملى لهم ذلك بانهم قالوا للذين كرهوا ما نزل الله سنتعطيكم في بعض الامر. والله يعلم اصرارهم. فكيف اذا - [00:09:29](#)

توفتهم الملائكة يضربون وجوههم وادبارهم يبقى الناس اللي ارتدت عندهنا دي ربنا قال ايه؟ وهم بيموتوا الملائكة ستتوفاهن حين الوفاة يضربوهم على وجوههم وعلى يعني هيضربوا بالاقلام وبالشالايت به عقوبة نفسية اهانة - [00:09:50](#)

يعني هيتهزوا وهم بيموتوا خلينا نعمل معهم ايه في الدنيا ما قالش حاجة خالص ال عمران ستة وثمانين الى تسعين. كيف يهدى الله قوما كفروا بعد ايمانهم وشهدوا ان الرسول حق وجاءهم البيانات والله لا يهدي القوم - [00:10:15](#)

الظالمين اولنك جرأوهم ان عليهم لعنة الله والملائكة والناس اجمعين خالدين فيها لا يخفف عنهم العذاب ولا هم ينظرون الى الذين

تابوا من بعد ذلك واصلحو فان الله غفور رحيم. ان الذين كفروا بعد ايمانهم ثم ازدادوا كفرا - 00:10:37  
ها لن تقبل توبتهم واولئك هم الضالون لابسين اي عقوبة في الدنيا البقرة مية وثمانية. ام تريدون ان تسألوا رسولكم كما سئل موسى  
من قبل ومن يتبدل الكفر بالايمان. ها فقد ضل سواء السبيل - 00:10:55

ان الذين اشتروا الكفر بالايمان ها لا يضر الله شيئا ولهم عذاب اليم. ال عمران مية سبعة وسبعين النساء مية سبعة وتلاتين بتقول  
ايه؟ ان الذين امنوا ثم كفروا ثم امنوا ثم كفروا ثم ازدادوا كفرا لم يكن الله ليغفر لهم ولا - 00:11:13  
اهديهم سبيلا التواب اربعة وسبعين يحلون بالله ما قالوا. ولقد قالوا كلمة الكفر وكفروا بعد اسلامهم. شوفوا ردة اهي وكفروا بعد  
اسلامهم وهوهم بما لم ينالوا وما نقموا الا ان اغناهم الله ورسوله من فضله فان يتوبوا يكونوا خيرا لهم وان يتولوا يعذبهم الله عذابا  
اليما في الدنيا - 00:11:33

الاخرة وما لهم في الارض من ولی ولا نصیر. ربنا اللي هيتعذبهم التوبة ستة وستين لا تعذرلوا قد كفرتم بعد ايمانكم. ان نعفو عن  
طائفة منكم نعذب طائفة بانهم كانوا مجرمين - 00:12:00

ربنا الاية اللي جاية دي اية سورة النحل هي الاية الوحيدة من الحداشر اية اللي مكية والعشر ايات الاخرى مدنية ايه بقى؟ من كفر  
بالله من بعد ايمانه الا من اكره وقلبه مطمئن بالايمان ولكن منشرح بالكفر صدرا فعليهم غضب من الله ولهم عذاب - 00:12:19  
ذلك بانهم استحبوا الحياة الدنيا على الاخرة وان الله لا يهدي القوم الكافرين اوئلئك الذين طبع الله على قلوبهم وسمعهم وابصارهم  
اوئلئك هم الغافلون لا جرم انهم في الاخرة هم الخاسرون. اي جسد اي عقوبة - 00:12:43  
آآ دنيوية ايه يعني اهمية الكلمة اللي انا قلتها من شوية دي ان هو دي الاية الوحيدة اللي مكية وبقية الایات كلها مدنية. هو فيه فرق  
بين القرآن المكي والمدني - 00:12:59

اه طبعا في فرق طبعا. ايه الفرق القرآن المكي اهتم بالعقيدة القرآن المدني نزل فيه تشريع يعني العشر ايات دول نزلوا اثناء نزول  
الشريعة. اثناء نزول الایات اللي بتتكلم عن العقوبات. عقوبة - 00:13:13

السارق والسارق فاقطعوا ايديهما والذين مسلا آآ يرمون المحصنات الغافرة ها فاجلدوهم ثمانين جلد. فربنا كان بينزل العقوبات في  
الایات المدنية ايات من الحداشر اللي بتتكلم عن الردة مدنية وببرضو ما جابتني سيرة عقوبات. في الدنيا خالص - 00:13:33  
الكلام ده خطير. طيب تعال بقى ابن تيمية في كتاب الصارم المسلط على شاتم الرسول. وعلى فكرة ابن تيمية من يرون قتل المرتد.  
عشان تبقوا عارفين. لكن قال اللي الحديث اللي بيحتاج به في قتل المرتد لا يجوز الاحتجاج به. اللي هو حدث لا يحل دم امرئ  
مسلم يشهد ان لا الله الا - 00:13:54

الله واني رسول الله الا باحدى ثلاث. النفس بالنفس والثيب الزاني والمالك من الدين التارك للجماعة. قال لك ده ما ينفعش الحديث  
دوت نحتاج له القتل المرتد. ليه بقى قال لك - 00:14:17

لان الرسول عليه الصلاة والسلام قال في حديث اخر مروي في سنن ابي داود وهو حديث صحيح. وروته السيدة عائشة لا يحل دم  
امرئ مسلم يشهد ان لا الله الا الله وان محمد رسول الله الا باحدى ثلاث - 00:14:32

وطالما انه قال في مناسبتين مختلفتين انه لا يحل دم المرء المسلم الا بتلات حاجات وهنا قال لا يحل دم المرء المسلم الا بتلات  
 حاجات يبقى لازم التلات حاجات دول يبقى هم نفس التلات حاجات دول لازم ييقوا نفسهم هم هم - 00:14:50  
الحديث المروي عن السيدة عائشة في سنن ابي داود يقول رجل زنا بعد احسان فانه يرجم اهي دي هي في الحديد الاخر  
الثيب الزاني صح؟ طيب وقال او يقتل نفسها فيقتل بها. هي دي النفس بالنفس - 00:15:09

فاضل لنا ايه بقى في الحديث الاولاني اللي قلناه المارق من الدين التارك للجماعة ده اكيد هو هو الحاجة الثالثة اللي الرسول  
عليه الصلاة والسلام هيذكرها في الحديث بتاع ابي داود. ايه هي الحاجة الثالثة بقى؟ قال لك ورجل خرج محاربا - 00:15:27  
للله ورسوله فانه يقتل او يصلب او ينفي من الارض فسر ابن تيمية المارق من الدين التارك للجماعة بأنه رجل ارتكب جريمة الحرابة.  
يعني ايه الحرابة؟ يعني خرج محاربا لله ورسوله - 00:15:43

يعني بقطع الطريق ويقتل الناس اللي في القوافل ويسرقهم اللي هم قطاع الطرق ارهابيين دول هم دول المارك من الدين التارك للجماعة. وقال لك لو كان الرسول عليه الصلاة والسلام يقصد - [00:16:03](#)

المرتد ربما قال المالك من الدين فقط. كفاية محتبجة باللفظ بتاع ابن تيمية في اه كتاب الصارم المسئول عن الرسول. قال ما احتجي الى قوله التارك للجماعة اذا المالك بنادم التارك للجماعة هو مرتكب جريمة الحرابة. وليس المرتد عن الدين - [00:16:21](#) هنيجي نقول اللي انا جه دلوقي وقفي واحد ودي حصلت فعلا في كنيسة في آآميريلاند آآفي ولاية مارلين ان بعد ما خلصت واحد لبناني مسيحي راح واقف كده - [00:16:42](#)

كتح الاسلام وبتابع يعني انا دلوقي لو دخلت الدين عندكم وجيت اهرب مش هتنبني قلت له لا قتل مرتد؟ قلت له بص احنا عندنا اية واضحة جدا لا اكراه في الدين. قد تبين الرشد من الغيب - [00:16:59](#)

قال لي ده عندكم بيقولوا انها ممسوحة. قلت له غير قابلة للنسخ. ليه؟ لأن الراسينال اللي فيها او العلة لا اكراه في الدين. ليه؟ قد تبين الرشد من الغيب. الرشد تبين من الغيب. ما فيش اكراه في الدين. ده عمرها ما هتتغير. عمرها ما هتبقى هناك اكراه في الدين. عمرها هو - [00:17:16](#)

لا اكراه في الدين ادي اول حاجة ربنا سبحانه وتعالي في سورة يونس بيقول ايه ولو شاء ربك لامن من في الارض كلهم جمیعا فانت تكره الناس حتى يكونوا مؤمنين؟ لا يجوز اكراه الناس على الايمان - [00:17:36](#)

طيب ايضا وقل الحق من ربكم فمن شاء فليؤمن ومن شاء فليكفر مع السلامة فدي اية الرسول عليه الصلاة والسلام طلب انت نقرها كل اسبوع. مش قال سورة الكهف يجب تقرأ كل يوم الجمعة - [00:17:55](#)

طيب انا سورة الكهف فيها الاية دي وقل الحق من ربكم فمن شاء فليؤمن اهلا وسهلا ومن شاء فليكفر. يلا مع السلامة الباب اللي يودي الباب يفوت جمل فين كرامة الاسلام؟ لما واحد يقول لك - [00:18:16](#)

دخلت خلاص مش هينفع تخرج وتخرج بقى. ده عامل بالزبط زي اللي كل شوية يعني آآآآ تقول لجوزها لو طلقتنى هاقتلك. لو طلقتنى هاقتلك. انت ما عندكىش كرامة - [00:18:34](#)

يعني ايه؟ لو طلقتنى مع السلامة يعني انت اللي عنده كرامة يعني حتى المسلح بيقول عند الناس اللي بيعيك بيعه هيفضل متمسك بناس مش عايزاني شيء غريب الحقيقة الحاجة الثانية في ناس يقول لك لا لأ ما هو آآآ الحكم بيقول انه يستتاب تلت تيام - [00:18:46](#)

او يستتاب دائما. يا سيدى يعني ايه يستتاب؟ يعني يتقال له لو تبت ورجعت الاسلام خلاص مش هتقتل. طب ما هو طبعا هيرجع الاسلام وهيرجع وهو غير مقتنع انا حولته من كافر الى منافق - [00:19:07](#)

يدعي الاسلام وهو مش مؤمن يحافظ على حياته انه احسن لي في المجتمع بتاعي بيقى عندي واحد كافر واضح للناس كلها انه كافر ولا منافق بيطن الكفر ويذهر الاسلام قال لك لا لأ ما هو انت بقى بتناخالف ليه بقى يا مع الرسول عليه الصلاة والسلام - [00:19:20](#) قتل المرتدين فين؟ قتل المرتدين فين؟ العرينين ناس من قبيلة عقل وعرينة جم ودعوا الاسلام وخرجوا وقالوا له يا رسول الله يعني احنا تعينا من العصابة انا او عك في المدينة يعني تعينا ومرضا في المدينة جو المدينة مش مناسبنا. آآ آخر جنا مع ابل الصدق - [00:19:41](#)

كان في ابل مملوكة للدولة الاسلامية الصدق تخرجا هنخرج نرعى هنخرج معهم ولما تطلع ترعة كده برة المدينة. ما هو نشرب من البنها وابوالها والكلام ده كله قتلوا الراعي المسكين - [00:20:01](#)

اسامة له عينه ومثله بجسته وارتدوا عن الاسلام وخدوا الابل وهردوا. بعث الرسول عليه الصلاة والسلام وراهم الصحابة جابوه. وقتلوهم وسمروا اعينهم كمان عشان ارتدوا عن الاسلام كل الجرائم دي وارتدوا عن الاسكان ده هم سرقوا - [00:20:23](#) فلوس الدولة وقتلو الراعي الغلبان وكمان مسلوا بجسته حاجة تانية بنفهم حاجة السياق ايه بتاع الموضوع ده بعد احد بعد غزوة احد اللي اتهم فيها المسلمين وكانت هزيمة ثقيلة. يعني سبعين مسلم ماتوا سبعين من كم؟ من جيش قوامه - [00:20:44](#)

يعني عشرة في المية من الجيش استشهدوا غير الجرحى هزيمة ثقيلة جدا بدأت تتجرأ القبائل العربية على المسلمين وحصلت حادثة بئر معونة قتل سبعين من من الصحابة. وعنت حادث. والحادثة دي ايضا - 00:21:03

القرينيين فلا بقى هو كل من هب ودب هيتجروا علينا فكان لابد من الحزم في المسألة دي. لردع بقية القبائل اللي بدأت تتجرأ على المسلمين طيب بعد الاية دي نزلت الاية الكريمة بتؤيد ما فعله النبي صلى الله عليه وسلم وقالت - 00:21:25

اقول الاية الكريمة في سورة المائدة ثلاثة وعشرين انما جراء الذين يحاربون الله ورسوله ويسعون في الارض فسادا ان يقتلوا او يصلب او تقطع ايديهم وارجلهم من خلاف او ينفوا من الارض ذلك لهم خزي في الدنيا ولهم في الآخرة عذاب - 00:21:43  
الا الذين تابوا من قبل ان تقدروا عليهم فاعلموا ان الله غفور رحيم. ما جابتني سيرة الردة خالص الناس عوقبت لانها سرقة وقتلت ومثلت بجثة لان احيانا احنا بنسيء لدينا بنسينا. يقول لك اهو ارتدوا فقتلوا. يا اخي كل الجرائم المصاحبة لعملية الردة دي. مش عاجبك - 00:22:03

عبدالله ابن سعد ابن ابي السرح. ده كان احد الصحابة وكان حتى من كتبة الوحي لكنه ارتد عن الاسلام ثم خرج من المدينة ثم عاد الى مكة ولحق بقريش وبدأ يشيع الاشعارات انه كان يغير القرآن وكان يحرف القرآن عمل - 00:22:29

ضج عمل مشكلة الحقيقة الرسول عليه الصلاة والسلام حكم عليه بالاعدام. يقتل ويوم فتح مكة قال انه هذا الرجل ضمن ست اخرين -  
يقتل اقتلوا ولو متعلمين باستار الكعبة. يعني فتح مكة سلمي وما فيش حرب لكن فيه ستة محكوم عليهم بالاعدام. منهم هذا الرجل - 00:22:50

هذا الصحابي عبدالله بن سعد بن ابي السرح يقتل ولو متصل باستار الكعبة قرار اعدام عبدالله بن سعد بن ابي الصرح المرتد هذا واكبر دليل على عدم وجود شيء اسمه حد الردة - 00:23:10

بصوا يا جماعة انا قلت لكم في الحلقة الاولى يجب من طلب العلم لازم ندرس انا اريد من كل واحد معنا دلوقتني انه يشوف كورس في اصول الفقه وتدرس اصول الفقه وبعد كده تدرس الفقه الاسلامي - 00:23:28

العقوبات في الاسلام تلات انواع عقوبات حدية وعقوبات تعزيرية وقصاص. القصاص واحد قتل واحد او فاقاً عين واحد او بتابع فيبيقتضي منه. لو قتله بيقتل لو فقع عينه تفع له عين لو قطع له ايده تقطع له ايده يا عذاب لكن خلينا دلوقتني في العقوبات - 00:23:46

النوعين اللي هم الحد والتعزير يعني ايه العقوبة الحدية هي حق الله لا يجوز الشفاعة فيها. ما حدش يقدر يشفع لحد فيها ولا يجوز تخفيف العقوبة ولا الغاءها. ولا حتى من الرسول عليه الصلاة والسلام نفسه. ما يقدرش يلغى عقوبة حدية - 00:24:05

والدليل انه زيد ابن حارثة جاء يشفع للرسول عند الرسول صلى الله عليه وسلم واحدة سارقة سرقت اسمها فاطمة المخزومية راح يشفع لها والنبي صلى الله عليه وسلم كان بيقول للصحابي اشفعوا عشان تؤجروا. ويقضى الله على يد نبيكم - 00:24:28  
عليه الصلاة والسلام قال له يعني كيف تشفع؟ في حد من حدود الله يا زيد؟ هذا حد من حدود الله. لا يجوز لك انك تشفع ولا يجوز لي انا انا الغي هذه العقوبة - 00:24:52

بس عبد الوهاب الصالح محكم عليه بالاعدام بالقتل. صحيح حد؟ لا مش حد الدليل ان سيدنا عثمان بن عفان وهو اخوه في الرضاعة شفع له عند النبي صلى الله عليه وسلم - 00:25:06

وقبل النبي صلى الله عليه وسلم شفاعة سيدنا عثمان بتردد وبتابع ماشي بس قبل في الآخر ولم يقتل بل وعاد الى الاسلام وصار من قادة الجيوش التي فتحت افريقيا بعد كده - 00:25:27

اذا قرار اعدامه ما كانش حد من تعزير يعني قرار آآيرجع الى القاضي الى الحاكم الى الامام يستطيع اصدار القرار ثم الغاؤه. يستطيع الناس انها تشفع له. يستطيع كل حاجة واردة. كله ماشي بقى - 00:25:43

انما الحد لا يجوز فيه هزا الكلام. هذا دليل ان قرار الاعدام لم يكن حدا وانما تعزيرا طب هو ليه اصلا حكم عليه بالاعدام؟ مش لانه ارتد. ده واحد ارتد وترك البلد وراح اسرائيل واشتغل مع الموساد - 00:26:06

وانا لما اقول لك ساب المدينة وراح مكة واشتغل مع قريش. ما قريش دي كانت الموساد وقتها اكبر عدوة للإسلام. ومكة ام القرى  
كانت اهلها في هذا الوقت اكبر اعداء للإسلام - 00:26:23

فلازم نقى فاهمين السياق التاريخي بتاع الاحاديث اذا عقوبة القتل بقى دي اللي كانت موقعة على سيدنا آآ عبدالله بن سعد بن ابي  
الصرح كانت عقوبة تعزيرية وليس حدية جزاء مش على انه ترك الاسلام على الخيانة العظمى - 00:26:37

وفي كثير من البلاد النهاردة الخيانة العظمى تعاقب بالاعدام تمام طيب هل معقول ان مالك الامام مالك والامام الشافعى والامام ابو  
حنيفه والامام احمد بن حنبل الاربعة شايفين قتل المرتدى - 00:27:00

غلط طبعا بالتأكيد اي واحد فيه ممكن يغلط لكن اذا الاربعة اجتمعوا على رأي فيصبح احتمال انهم يجتمعوا على رأي خطأ  
في منتهى احتمال ضعيف جدا المشكلة في مسألة قتل المرتد ليست في رأي الائمة الاربعة - 00:27:18

ولكنها عندنا احنا اللي عندها مشكلة فيما يسمى تحقيق المناط. يعني ايه تحقيق المناط؟ رکزوا معي في الحلة دي بقى فهم  
المشكلة نفسها وتصويفها بشكل صحيح اسمه تحقيق المناط - 00:27:47

واحنا لما حد بيرتد النهاردة بنقوم ملبيسنه البرنيطة بتاعة المرتد بتاع مالك والشافعى وابو حنيفه واحمد بن حنبل مع انه مرتد  
مختلف عن بتاعهم اللي حكموا عليه بالقتل احنا في تحقيق المناط عندنا مشكلة. في حاجة اسمها تحقيق المناط. وفي حاجة اسمها  
تخرج المناط. يعني ايه تخرج المناط؟ يعني تحديد ايه هو الشيء - 00:28:04

الجائز وايه المحرم في الموضوع ده؟ وبعد كده في حاجة اسمها تنقية المناط هو اخراج المحرم من الجائز وتقديم الحكم للناس  
والله لو عملتوا المسألة دي بالشكل ده يبقى جاهز. هنا مشكلتنا في موضوع المرتد ان احنا ما عندنا تحقيق - 00:28:27

اه خاطئ للمناطق مرتد اه ابو حنيفه ومالك والشافعى واحمد ابن حنبل ليس هو مرتد اليوم والدليل على ذلك ان ابو حنيفه قال  
المرتد يقتل لكن المرتدة لا تقتل ليه يا ابو حنيفه؟ قال لانها لا تقاتل - 00:28:45

ولكن اذا كانت ستقاتل اذا كانت من قوم نسائهم بتقاتل يبقى تقتل هي كمان. الله! يبقى ازا كان فيه السياق السياسي في هذا الوقت  
والشكل الدولي او الولاءات السياسية داخل الدول - 00:29:05

كانت على اساس ديني. يعني كان في دولة المسلمين دولة النصارى اللي هي الروم. في دولة للنصارى متحالفة معها اللي هي قبائل  
الفسانة اللي في الشام دولة اليهود ودولة المجروس - 00:29:24

لما حد بيرتد معناه انه بيخرج من دولة على طول بيخرج من معسكر على طول. خلاص الموضوع هو لن يقاتل. فمرتد اليوم غير مرتد ابو حنيفه  
النهاردة بقى في سياق سياسي مختلف. الولاءات أصبحت فيه مختلفة - 00:29:39

واصبح داخل كل دولة عدة ولاءات دينية واصبح داخل كل دولة هناك مسلمين ومسحيين ويهود وهندوس ومجوس وبوذيين والا  
دينين في الحالة دي المسلم بيخرج من الدين يدخل دين اخر - 00:29:56

حكمه انه ما يدفعه الزكاة ويدفع الجزاء. يتغير حكمه على طول. خلاص الموضوع هو لن يقاتل. فمرتد اليوم غير مرتد ابو حنيفه  
ومالك والشافعى واحمد. وهم ما كانواش مخطئين لكن المرتد عندهم كان هو الخائن خيانة عظمى - 00:30:16

طبعا يبقى عندنا بقى هنا حاجتين بس في حديث شريف وصحيح اللي هو من بدل دينه فاقتلوه لكن كلنا عارفين ان كانت هناك آآ  
مجموعة آآ من اليهود في المدينة - 00:30:32

قرروا عمل لئيم شوية قالوا لما احنا بنتكلم ضد الاسلام ما بيفرقش مع المسلمين لكن لما واحد بيخرج ويرتد عن الاسلام ثم يهاجم  
الاسلام هذا يؤثر في المسلمين جدا وقالوا - 00:30:54

امين بالذى امن بها بالذى نزل على الذين امنوا وجه النهار واكفروا اخره لعلهم يرجعون وامنوا بالقرآن وامنوا بمحمد الصبح. وعلى  
اخر النهار قولوا ايه! ده ايه القرف ده! ده احنا ده طلع دين اي كلام احنا بنرتد - 00:31:12

وده هيؤثر جدا لعلهم يرجعون ولما يحدث مؤامرة زي كده هل متوقع ان الرسول عليه الصلاة والسلام لم يتدخل باصدار قانون آآ  
قانون آآ طوارئ مؤقت من بدل دينه فاقتلوه - 00:31:32

نص عام جدا لا يمكن يؤخذ منه حكم من بدل دينه فاقتلوه. اي حد هيبدل دينه هيقتل. يعني ايه؟ يعني حتى لو واحد دخل الاسلام  
هيقتل. ممنوع دخول الاسلام. فريز ممنوع تغيير الدين - 00:31:54

دلوكتي اللي هيغير دينه هيقتل. لو مسيحي دخل سنة هنقتله. لو يهودي داخل الاسلام هنقتله برضه. ايه رأيك؟ لو مسيحي دخل  
اليهودية هيبقى ممنوع الموضوع ده واقف خلاص ما فيش اجراء تخلي ده اجراءات تغيير اديان دلوكتي. لغاية ما تنزل الاية  
بقي الكريمة وتكشف - 00:32:11

المؤامرة اللي عملوها يهود المدينة انهم قرروا يدخلوا الاسلام ثم يرتدوا مرة اخرى وبعد كده يرجع الامر تاني الى ما كان عليه. لكن  
هذا كان متابة قانون طوارئ والنص نفسه نص عام لا يمكن اخفق حكم منه - 00:32:29

يبقى عندها نقطة اخيرة وهي طب يعني ابو بكر الصديق اخطأ لما احارب المرتدين؟ لا طبعا. دي قصة تانية بقى هروب الردة دي من  
اكتثر الاشياء في التاريخ الاسلامي لتجعلني فخور باني مسلم - 00:32:45

اولا المرتدين كانوا نوعين مرتدین عن الدين تماما وآآ آنبیاء كذبة ادعوا النبوة زي سجاح وآآ مسلمة الكذاب والاسود العنصري  
وهناك ايضا مانع الزكاة. واعتبروا مرتدین. لأنهم منعوا الزكاة والزكاة احد اركان الاسلام الخمسة. فاعتبروا مرتدین - 00:33:04

هي الزكاة دي كانت بتدخل في جيب سيدنا ابو بكر الصديق يعني كان بيأخذها يروح يشتري بها فيلا ويشتري بها عربية! لا الزكاة دي  
حق الفقراء اذا ركز معی لاؤل واخر مرة في التاريخ - 00:33:30

تعلن الحرب من اجل حقوق الفقراء وكان هذا في وقت العالم كله بيحاربنا ابو بكر يعني يعني عمر ابن الخطاب نفسه بهذه الشخصية  
الفذة القوية قال له لا يا ابو بكر - 00:33:50

احنا يعني احنا مش ناقصين. ده احنا بنحارب العالم كله. طب انا هتحارب الناس بتقول لا الله الا الله محمد رسول الله. قال ساقاتل  
من كان يؤدي زكاة لرسول الله ولو عقال بعيير. اللي كان بيبيعت بس حبل كده بيتربط به البعير ومتش هيبيعته سيقاتل. ليه؟ لأنها حقوق  
الفقراء. اذا لاؤل مرة في التاريخ - 00:34:07

واخر مرة تحدث في التاريخ ان اعلنت الحرب من اجل حقوق الفقراء هذا شيء يجعلنا فخورين باسلامنا اما مسألة المرتدين اللي  
ارتدوا وتابعوا مسلمة الكذاب وسجاح والاسود العنصري يا جماعة احنا قلنا لا اكره في الدين. يعني ايه لا اكره في الدين؟ اللي عايز  
يخرج من الاسلام يخرج - 00:34:27

اللي عايز يخرج اللي عايزين يخرجوا هذه كانت ردة جماعية زي ما قال الشيخ القرضاوي في كتاب فقه الجهاد الردة اللي حصلت  
وقتها كانت ردة جماعية. الردة الجماعية عن الاسلام ليست عمل فردي يخص العقيدة وانما هي مسألة - 00:34:47

انفصال حركة انفصالية بتتنفصل عن الوطن وستختطف جزء من الوطن يعيش عليه مسلمين وسيضطهدوه وده اللي  
حصل اول من ظهر وادعى النبوة كان الاسود العنصري في اليمن في وقت حياة الرسول عليه الصلاة والسلام - 00:35:06  
واختطف اليمن بالفعل وقتل آآ ما زال اللي هو آآ حاكم اليمن من قبل النبي صلى الله عليه وسلم واحد زوجته ازاد وتزوجها وحكم  
اليمن في وقت الرسول عليه الصلاة والسلام - 00:35:29

ارتدى اليمن بس فيه مسلمين جوة وبيضطهدوا حصل ايه بقى المسلمين جوة اليمن عملوا حركة سرية تحت الارض وجندوا زوجة  
الاسود العنصري. هازاد وكانوا بقيادة فيروز الديلمي اديتهم موعد وفتحت لهم دلتهم على مكان في القصر او في القلعة الجدار فيه  
رقيق ممكن يخبطه الجدار يوقعه منه - 00:35:47

اجزاء ويدخلوا ودخلوا وقتلوا الاسود العنصري. وكانت كلمة السر التكبير من فوق اسوار القZF. فخرج الخلايا آآ بتاعة الثوار في كل  
مكان في اليمن تقاصد الرجال تقاصد آآ جنود الاسود العنصري وانتصروا عليهم واعدوا اليمن الى حظيرة الاسلام مرة - 00:36:21

اخرى في حياة النبي صلى الله عليه وسلم وارسل فيروز الديلمي رسول الى المدينة ليخبر النبي صلی الله عليه وسلم. لكن الرسول  
وصل بعد ما مات النبي صلی الله عليه وسلم - 00:36:41

نسمع بقى الجمال قبل ان يموت النبي صلی الله عليه وسلم. وقبل ان يصل الرسول فيروز الديلمي الى المدينة قال رسول الله صلی

الله عليه وسلم وهو على فراش الموت للصحابة - 00:36:54

قتل الاسود العنسي قتلها رجل مبارك من آل بيت المباركين رجل مبارك هو ده فيروز الدينامية من آل بيت المباركين اللي هي عائلة اسمها عائلة البناء. دول كانوا ناس ابائهم فرس وامهاتهم يمنيات. وكانوا هم الحكم على اليمن قبل الاسلام. ولما اسلموا - 00:37:05  
اجازهم الرسول صلى الله عليه وسلم على حكم اليمن كما كانوا بالضبط كده احنا انتهينا من مسألة قتل مرتد. خلاصة القصة ان حتى حكم قتل المرتد هو حكم تعزيري وليس حدي وشرحنا ليه - 00:37:29

اه اه مرتد المذاهب الاربعة ليس مرتد اليوم نتيجة السياق السياسي المختلف وتكوين الدول المختلفة النهاردة ونتيجة ان حتى لا اكراه في الدين هي روح الاسلام نفسها. لا يمكن ابداً يسيء للإسلام ان احنا نقول اللي هيدخل ما ينفعش يخرج ودخول الحمام - 00:37:45

زي خروجه والكلام ده كله فيه اساءة للإسلام شديدة جداً. وجزاكم الله خيراً. ونشوفكم ان شاء الله في الحلقة القادمة. سلام عليكم - 00:38:05